

Predgovor

Medicinska disciplina koja se stručno zove "otorinolaringologija" se u najširem smislu bavi proučavanjem bolesti uha, nosa i grla. Naravno, to podrazumijeva ne samo proučavanje bolesti i njenog nastanka, nego i njenog liječenja, praćenja i preveniranja te bolesti u istih ili drugih osoba. S obzirom na činjenicu da se u nazivu ove grane kriju samo tri organa, laici bi mogli pomisliti da otorinolaringologija predstavlja jednu manju medicinsku disciplinu. Veoma bliska veza uha sa mozgom, nosa sa mozgom i okom, grla sa mozgom, vratom i grudnim košom, baca jedno drugo svjetlo na ovu disciplinu, odnosno njeno polje djelovanja. U uhu se nalaze dva vrlo važna osjetila za čovjeka (sluh i ravnoteža), u nosu nalazi još jedno osjetilo (njuh), a u jeziku i osjetilo okusa, što također doprinosi velikom značaju ove regije. Grkljan je organ govora, koji čovjeka izdvaja od ostalih živih bića i predstavlja jednu od „najljudskijih“ značajki. Ako bismo pokušali predstaviti o čemu se radi, mogli bismo reći da se isti otorinolaringolozi bave različitim dijelovima tijela, ali dovoljno značajnim da imaju veliko značenje, dovoljno za posebnost.

Sadržaj ovog teksta je radi lakšeg izučavanja podijeljen u tri oblasti: otologija, rinosinusologija i faringolaringologija, sa istim konceptom izučavanja: kratki repetitorij anatomije i fiziologije, oboljenja, dijagnostičke procedure, terapija i postoperativna njega.